



Universitätsbibliothek Paderborn

Cornelii Iansenii Episcopi Iprensis Avgvstinvs

In Qvo Genuina sententia profundissimi Doctoris de Auxilio gratiæ medicinalis Christi Salvatoris, & de prædestinatione hominum & Angelorum proponitur, ac dilucidè ostenditur

Jansenius, Cornelius

Lovanii, 1640

Cap. 1. Tangitur natura adiutorij sufficientis, & ostenditur nullum dari post lapsum quin simul efficax sit. Hoc enim repugnat multis principijs Augustini & Ecclesiae.

urn:nbn:de:hbz:466:1-13704

CORNELII IANSENII
EPISCOPI IPRENSIS.

DE

GRATIA CHRISTI
SALVATORIS

LIBER TERTIVS.

Qui est de gratia sufficienti.

CAPVT PRIMVM.

Tangitur natura adutorij sufficientis, & ostenditur nullum dari post lapsum quin simul efficax sit. Hoc enim repugnat multis principijs Augustini & Ecclesiæ.



Quæ hæcenus de medicinali Salvatoris adutorio tum asserendo, tum objectiones ex ipso sancto Augustino petitas dissolvendo disseruimus, quo captiuum arbitrium à concupiscentiæ seruitute

liberatur, & ut bonū velit & agat adiuuatur, ad oculum nisi fallor ostendunt, quantum per eam à tramite veritatis aberraverint, qui magis ex principijs Philosophorum quam Augustini aut Ecclesiæ, concursus Dei generalem, vel habitus virtutum, vel etiam gratiam, quam sufficientem dicunt, pro vero Christi adutorio protulerunt. Et quidem de duobus primis adutorij generibus, facile credo, mihi consentiet quisquis vel à limine lucubrationes Augustini, & Conciliorum doctrinam salutaverit. De postremo maior videtur esse difficultas. Nam per istam duplicis adutorij distinctionem quo sic actio, & sine quo non fit, ostendi videtur, gratiam sufficientem, non solum non esse Christi Salvatoris gratiā, sed etiam totum istud adutorij genus ita radicatus eueli, ut humana voluntas concupiscentiæ morbo laesa & infirmata, nihil omnino bonicum eo velle vel operari possit.

Sed illud ipsum est, quod istam adutorij medicinalis naturam attentius ponderantes non mediocriter perturbat. Videtur enim sanæ doctrinæ repugnare quod nullum nunc detur hominibus adutorium, quo possint credere, orare, diligere, Dei que præcepta facere, qui illa vel negligendo vel spernendo prævaricantur. Nam undè iudicandi sunt si non acceperunt, legem Dei custodire posse, si velint? Ut quid eos monemus, suademus, hortamur, præcipimus, minamur, ac per-

nis plectimus, si non datur eis, qui non faciunt, adutorium quo & velle facere legem Dei, & re quoque ipsa adimplere sufficienti? Hæc per se gravia esse, docendi que consuetudine facta esse graviora, non disiteor. Verumtamen quia mihi in hoc opere propositum est, non tam ex meo sensu patefacere, quid ex parte rei de diuina gratiæ adutorio statuendum sit, quam quid statuerit Augustinus, atque ejus veram genuinamque sententiam, eruditorum oculis exponere, nullis difficultatibus territus, porro peragendum esse censeo. Eruet, spero, Augustinus ipse ac Deus cuius causam doctissimus pariter sanctissimusque Præsul egit, profunda de tenebris & aspera faciet, quantum rei perplexæ natura sinit, in vias planas: ut neq; eruditione sua profundissimā, neq; pietate Ecclesiæ sacratissimā, neque iustitiā Dei itreprehensibili, quicquam indignum docuisse videatur.

Quapropter sufficientem illam gratiam, quam Scholastici multi in Theologiam velut adutorium Salvatoris intulerunt, ab Augustino destructam, funditusque everfam esse, libens fateor. Hoc enim principia hæcenus ex eo tradita, cum quibus illa gratia subsistere nullo pacto potest, perspicuè probant. vocamus autem illam sufficientem gratiam, seu sufficiens adutorium, præter quod nihil aliud ex parte Dei per modum principii necessarium est, ut homo velit aut operetur. Sic enim à multis recentioribus & vulgo ferè accipi solet. Quod si verò sic accipiatur ut sufficiens dicatur, sicut à quibusdam dicitur, quod facis est, ut homo dicatur posse operari, quamvis aliud adhuc necessarium sit ut de facto operetur, de huiusmodi sufficienti gratia, non est hæc nostra controversia. Tale enim sufficientem fortasse non difficul-

ter S. Aug. admitteret, quamvis esse veram illam Christi gratiam, de qua questio est, pernegaret. Nullum igitur jam dari hominibus lapsis adiutorium sufficiens iuxta primum sensum, quin sit simul efficax in Augustini principiis exploratum est. Viderunt hoc etiam tradideruntque non pauci recentiores, & in primis a Didacus Alvarez, b Cumel, c Navarrete, d Sylvius, demique omnes illi Doctores qui tenent præter adiutorium sufficiens, quod dat nudum posse, necessarium esse aliud auxilium efficax, quo Deus efficiat ut actualiter operetur. Hoc ipso enim aperte sentiunt, nullum dari adiutorium ita sufficiens, ut nihil aliud ex parte Dei ad actum operandum requiratur, quin sit simul efficax. Sed omnium apertissime hoc tanquam S. Augustini doctrinam docuerunt duæ celebres Facultates Sacræ Theol. Lovanienſis ac Duacensis; quando iudicii sui censuram adversus propositiones quasdam sibi oblatas protulerunt. Nam Lovanienſis in Censura propositionis 14. sic loquitur: Cum certum sit non præstari à Deo huiusmodi hominibus (induratis) gratiam eam, qua cor lapideum & cæcitate munitur, manifestum est, eos non habere sufficiens auxilium, ut convertantur, cum sine iam dicta gratia, nullum eis auxilium sufficiat, siue illa exterior sit, etiam cum miraculis prædicatio, siue interior per Spiritum timoris concitatio, aut velleitatis etiam cuiusdam inspiratio. Et in apologia Censuræ suæ multis argumentis ex professo improbat, id quod ab aliis dictum fuerat: Fieri posse & de facto sepe fieri, ut quis auxiliium habeat præveniens omnino sufficiens in genere auxilii præveniens ad conversionem, & tamen non convertatur, quia non vult. De qua propositione subiungunt generaliter: Hoc est, quod iterum nobis non probari restamus, negamusque doctrinam Augustini consentaneam. Probantque sententiam suam sex argumentis, & ad singula concludunt sequi, non esse gratiam sufficienter præparantem nisi in eo qui actu credit, convertitur aut operatur. Facultas verò Duacensis in eandem propositionum censura, tradit eandem doctrinam disertissime & multis locis. Nam in primis in censura propositionis secunda, cum definiſſet auxilium sufficiens illud esse, præter quod ex parte Dei non est aliud necessarium, mox diversis modis ostendit, non aliud esse sufficiens, nisi quo re ipsa cor frangitur & convertitur. Dicunt enim in eodem loco, quod nec illi quibus Evangelium prædicatur, credere possunt, nisi Deus cor eorum aperiat ut prædicatione intendatur: Dicunt id quod Augustinus protulit, infertibilis esse iudicii Dei, quod huic detur gratia, illi non detur, eum hoc haud dubie intelligere de auxilio ex parte Dei ad salutem necessario; cum tamen loquatur de solo auxilio efficaci. Dicunt in Censura propositionis 14. qua tradebatur induratos & excæcatos habere sufficiens auxilium ex parte Dei ut convertantur, reiſcindenda esse penitus istam assertionem. Nam neque induratus converti potest, nisi per gratiam auferentem cor lapideum, & tribuentem cor carneum, quam utique quando induratum est, non habet, neque excæcatus potest aspiciere

lumen veritatis, nisi per gratiam tenebras eius illuminantem, & velamen de corde eius auferentem, quam similiter quando excæcatus est, non habet. Neque infidelis quisquam potest credere, nisi per gratiam qua cor eius ex infidelitate ad fidem mutetur &c. Et in Censura propositionis 15. Non est negandum quin possint converti ad Deum omnes peccatores durante hac vita, sed simul quoque fatendum est, nullum peccatorem converti posse, nisi per specialem Dei gratiam, seu speciale auxilium quo voluntas eius in bonum mutetur, quod auxilium non habet nisi cum actu convertitur. Vtraque verò Facultas doctrinam suam tanquam S. Aug. principiis, quorum peritissima fuerunt, maxime consentaneam tueretur, & ex professo probat. Unde Duacensis ad propositionem 8. ita loquitur: Sententia hæc quatenus dicit per auxilium præveniens acceptum in actu secundo, id est, gratiam excitantem posse peccatorem converti, ita ut ad actuale eius conversionem non sit necessaria singularis illa gratia Dei cooperatio, qua ex nolente volens, ex averso conversus, & ex malo bonus efficiatur, tam Scripturis quam B. Augustini doctrinæ repugnat. Quid, quod nec ipse D. Thom. aut ullus antiquorum Patrum inter ipsum & Augustinum, vel ullus veterum Scholasticorum istius gratiæ sufficientis meminere. Dixit quidem aliquando S. Thomas redemptionem sufficientem, sed hoc multum à gratia sufficiente discrepat. Dixit etiam, quod aliquam habeamus sufficientem, sed hoc ad istam controversiam dicendam neutiquam sufficit. Nam & gratia Christi ab Aug. prædicata sufficientiam donat, non ab actu tamen disionctam, sed quem vitrici potestate largitur. Per istam enim homo vere sufficit: Tunc enim ut le debet posse cum volumus, & tunc utile est velle cum possumus, inquit S. Doctor. Nam vera Christi gratia est talis, ut quem admodum Saluator mundi dicit: Omnis qui audivit à Patre & didicit, venit ad me. Qui ergo non venit non de illo recte dicitur, audivit quidem & didicit sibi esse veniendum, sed facere non vult quod didicit. Prorsus non recte dicitur de isto docendi modo, quo per gratiam docet Deus. Dum igitur facit gratia Christi ut omnis qui audivit ac didicit veniat profecto satis ostenditur & possibilitati profectus, & voluntatis affectus, & actionis effectus. Talem igitur sufficientiam omnino agnoscit August. agnoscit Scriptura, sed illa non est quam quarimus, nisi ita à sua natura degeneret, ut & ab actionis effectu, & à voluntatis affectu, & à possibilitatis profectu separetur, & solâ sterili & inutili pernicioſa potestate superbi sibi blandiantur. Nam quid prodest, si quod non possumus volumus, aut si quod possumus nolumus. Et quidem talem sufficientem gratiam Augustino, repugnare, non est difficile advertere, si quis principiorum eius meminere, quibus tanquam cardinibus tota eius doctrina vertitur.

Nam primò, tale adiutorium non est aliud quam adiutorium sine quo non sit opus, nequam verò adiutorium quo, ac proinde est adiutorium sanæ voluntatis seu primi hominis, non ægrotæ: supponit enim robustâ esse naturamque

a Alvarez l. 8. de anxio disp. 79. n. 2.
b Cumel disp. pot. variat. ad 1. part. & 1. 2. disp. pot. 4. sect. 3. conclus. 1.
c Navarrete contro. 19. ad quest. 19. prima parte.
d Sylvius in 1. 2. q. 111. questio 3. conclus. 3.

Facultas Sacra Theologia Lovanienſis Propos. 14.
Facultas Sacra Theologia Duacensis in censura Assert. 2.

Facultas Sacra Theologia Lovanienſis in censura Assert. 2.

In Censura Assert. 15.

Duacensis in Cens. Aug. 8.

Epist. ad Corin. 1. 10.

Lib. 1. de op. 11.

Lib. 1. de op. 11.

Lib. 1. de op. 11.

Lib. 1. de op. 11.

Lib. 1. de op. 11.

Lib. 1. de op. 11.

